

Suzuki a causa dos desgracia y chofer a termina na hospital



ORANJESTAD(AAN): Ayera anochi mas o menos 8.30 or por poco Aruba a conoce otro caso fatal den trafico, ora cu un chofer na un manera masha irresponsable a causa dos desgracia.

E auto Suzuki blanco V2877 tabata bahando di San Nicolas na un manera cu tabata masha peligroso. Na altura di Isla di Oro el a haya su mes involvi den un desgracia y despues a sigui core bin abao.

Polis a sigui su tras, pero e chofer a primi mas velocidad te cu el a perde e polisnan.

Na altura di Codemsa mas o menos 10 minuut despues, el a pasa un auto na un manera irresponsable atrobe y a bay dal casi frontal cu un Bronco Shinishi A 763 cu tabata tin di direccion contrario.

Ora cu polisnan a yega na e lugar nan a bin haya e chofer benta riba caya cu slanan serio na cara y for di su conocimiento.

Miembronan di cruz corra a duna prome auxilio y cu ambulance el a wordo hiba hospital pa tratamento.

Den e vehiculo a ser haya tambe botter di bebida y esaki ta muestra cu aparentemente e chofer lo por tabata bao di influencia tambe, mi-

rando e manera pa loco cu e tabata coriendo y pasando auto.

AMI PIAPPIAP CHELOLLAL!!

